

玉山縣志卷五

山川

言信州山者必曰靈山而懷玉與之時言信州川者必曰葛水而干溪與之會山勢自北而南千峯攢簇皆宗懷玉而無與靈山川源亦自北而南兩道迴環合稱干溪而別有葛水蓋靈山水經縣西境乃得名葛復流出上饒境與懷玉水會而爲信江也紀綱得則脈絡明矣

志山川

懷玉山發脈三清三清去縣北百二十里高七百餘丈周迴二百餘里界衢饒信三州之境其山三峯峻拔如三清列坐其巔故名有方士羽化壇老子宮觀近好事者以撫之太華山三仙奉祠此山又名少華混矣路極險峻自山麓

玉山縣志

卷五

山川志

靈濟廟行五六里石似馬鞍曰馬鞍石又三升降仰見石與雲齊即前志所云在三清山背高數百仞者是也曰銀瓶石其下曰風門度風門再升降有巖相傳晉李尚書與葛洪修煉時尙書結鬚度此曰結鬚巖又再升降有洞怪石羅列罅僅通人外呼內應曰神仙洞不可登過此又三升降有石如普陀巖曰羅漢洞又再升降始至三清觀凡二十五里自城望之則三峯在北自觀言之則三峯在南矣徑上五六里李尚書丹爐鑄鐵於石若生成曰香爐石登之則神仙洞界有石磴橫空非人所能渡者曰石仙君仙人橋可望見也觀前有池味極清冽曰元泉池有石級可步而上若登天然曰天梯石天梯下有石肖大士天然妙相不假雕琢曰觀音石觀音石東形似蓮花圍十餘丈

曰蓮花塔香爐之東曰雷公石少華之東有嘯天獅子形
曰嘯天石三峯東北石峯高聳有窾圓深昔人避亂立柵
建旗遺跡宛然曰卓旗石三峯之北狀如判官袍笏拱立
曰判官石似幞頭曰幞頭石似帽曰帽石似鈎刀曰鈎刀
石其在十里以北形正方如植屏者曰屏風石觀前後凡
二十景到此則萬山羅列皆出其下西望彭蠡東望衢嚴
隱隱雲霧中 三清之南曰小葛嶺二十五二又南曰石
佛山二十山下大葉村又南曰洞巖二十巖旁喻樗尤美
軒故址又南五六十里逆起太甲山有石像觀音相傳伊
尹奉太甲巡於此有太甲廟事近誕其山連岡疊岫橫跨
七八十里東盡賁邱之西二十而西盡峽口三十東出一
支曰大嶺二十曰岡背山曰轟山東南至潭頭西岸而止

玉山縣志

卷五

山川志

一

十八西出一支曰羊巖山三十又二十里至廻龍山而止
四十山下瞰古靜龍潭嘉靖巳酉知縣招於萃闢浮屠基
萬歷癸巳知縣錢應斗署教諭史謨共成之名文成塔後
圯乾隆壬辰移建今址龍會山十九北受太甲三清之脈
起伏二十餘里盤旋屈曲趨鄭家山而融結於縣治之後
山鄭家山下有靈順行祠焉其東則有湖山湖山南曰臨
江山又南曰烏龜山其西則有道姑山又西曰王家山
自三清以西蜿蜒特起曰金剛峯乃懷王之祖峯也懷玉山
去縣西北亦百二十里高四百餘丈亘三百餘里界饒信
二郡爲邑中望鎮方志云天帝遺玉此山山神藏焉故名
或云山有異光夜燭因名輝山唐魏國公賈耽華夏圖云
其山上干天際勢聯北斗又名玉斗山山有二十四竒金

剛峯其一也其下爲懷玉書院金剛之西曰天門峯正居
乾位又西有鳳凰石其北曰銀尖峯日光所射色如銀而
山勢高聳與金剛峯相對獨冠諸山者曰玉瑯峯瑯峯西
曰飛泉峯瀑布泉從峯頂飛瀉而下南注瑯溪其下曰瑯
峯洞洞南曰誓坡石石方廣約二丈餘志初禪師從此擔
錫入山故曰誓坡又西曰七蟠嶺嶺有連理木在風門上
由童家坊二十至山麓有白鵬亭亭外太平橋二十有管
南屏碑石經白鵬亭至半山有雲路亭經雲路亭而上過
風門屈曲行繞七蟠嶺嶺之西曰羅漢峯又西有望村嶺
凝望村落了然在目又西曰彩霞巖亦名彩霧巖瑯峯東
曰拍板峯又東曰石牛峯又東爲堂帽峯俗訛堂作唐又
東曰獅子峯峯後又東有石空洞雲氣從中往來曰過雲

玉山縣志

卷五

山川志

三

洞又正東曰雲蓋峯天將雨雲氣覆若車蓋其北則峯曰
屏風其東北則巖曰志初唐大歷僧志初修道於此金剛
玉瑯之間其地寬曠有田數百畝曰大洋坂田中有墩在
書院東南曰白玉墩白玉墩之東相傳有金雞夜鳴其上
者曰金雞墩其東曰洗墨池禪月尊者手畫十八羅漢旣
成臨池照影親畫其形擲筆池中水盡黑怪誕不足信又
東曰浴佛池在志初巖下水從石罅出匯成深池志初所
常浴也今刻石名靈雨巖巖左有石內虛擊之聲如鼓曰
石鼓山溪亦以此得名又東曰蟠龍岡岡有天聖松又東
有天真亭趙鹿泉於石壁鐫青山綠樹四字大如斗 白
玉墩有玉光亭亭南濯纓橋其西爲九蓮池池南金絲橋
又西則墩曰望香在七蟠嶺後山有龍潭十八磔上八磔

在金剛峯東北源出桃花尖北冷水坑而下八磔在金剛
峯東南源出靈雨巖 懷王之南曰南山二十有泉早禱
多應元倪中有題南山山水圖詩其東曰蔣家山壇上朝
禮三清能致雨又東曰高平山亦名霞山二十有李仙姑得
道處有禱雨壇南山南曰哥郎山二十有石巖傑聳鄉人於
此祈禱其西曰龍泉山山半泉出石罅梁高僧常演飛錫
山下創定惠院 懷王之西曰鑛嶺嶺袤二十餘里嶽鏡
通道二十有九都又西曰西山其東麓有童家坊縣丞署山上有
雷神壇又西曰寶光山寶光禪師所飛錫也又西曰鴉山
接德輿界峭削高銳與懷玉爭勝下有興教院寶光建又
西曰廣平山錦溪源出焉二十有八都又西則山勢蜿蜒直趨上
饒靈山矣入上饒界稍迤而南爲台湖嶺又迤而東入玉

玉山縣志

卷五

山川志

四

山界曰沙溪嶺三十都出研石朱考亭名懷玉研又東曰雞
公嶺東北曰大儒山二十有八都有福勝院宋葉虞仲碑在焉又
東曰南嶺二十有八都以其正當懷王之南也嶺高袤十五里皆
甃石直達周家埭三十有六都又東曰中央山山在梅溪清溪間
三十有六都故名勢出聳特幾與瑯峯伯仲又東曰大雄山山麓
清溪覺林寺雞公嶺南三十里曰屏風山三十有二都諸山複疊
三面遠望整如屏風其東曰保安山又東曰雞籠山又東
曰高旗山三十有三都山豎立而拖脚似旗脚又東曰天公墓則
脈自南嶺來者也其脈自沙溪嶺來者去屏風西十餘里
曰蓮花山三十有二都葛溪於山下入峽蓮花山之東十餘里當
屏風東南曰率嶺尖又西南孤峯陡起曰黃山尖三十有四都祈
兩祖師普庵廟在其巔中有塢寺亦祀普庵又南則扶竺

巖三十都寬平廣大遂約六七丈頂有小巖容一榻一几俗傳上饒鄭相國曾此讀書又南至將軍山入上饒界其自南嶺東出層巒疊嶂從中央之西天公之東經王家坪起伏數十里至治西十里山而止其東一支經星溪左曰妣

姆山

華山在南鄉二都自廣豐領閩脈而東走茅陽尖山三都西盡

廣豐界有禪僧結石龕華山頂坐化半山古井禱者得鱓

而雨其東南出者曰仰山四都自仰山折而北頓跌十餘里

聳爲武安山去治水南里許銳若卓筆上有浮屠塔院塔

北院崇麗有加山路有玉虹亭溪山一覽亭其麓曰黃谷

山亦呼第一山有張邈邊所建福慶觀今廢又有歲寒庵

朱子小學其址今建端明書院又有射圃碑存有普寧寺

玉山縣志

卷五

山川志

五

武安東曰大王山有功曹壇亦名功曹山山正當治南怪

石磊砢俯瞰大王潭溪光四徹山麓護以石欄其下爲放生池功曹南又轟起三山曰暖水三山五都古東嶽廟樓臺

殿閣亘其中下有默泉寰宇記云產四足魚畜之他池則

不活今無是魚矣武安西曰鳳凰山一都形似飛鳳又西曰

琚山上有泉井藏神物 茅陽山在治正南三十里與三

清遙相望下有瑞峯寺銀晶大王廟其北一支曰雙峯山

曰金仙巖八都俗傳饒魯以此雙峯爲號有讀書遺址非也

巖以金華女化身名有澄心院又北曰齊峯山七都形似屏

元魏元德善製墨居焉土人習之今失傳齊峯東曰雲巖

有石曰不涸從獅象石入洞黑暗中漏一綫天羣蝠撲人

燃炬下行盡處有石蓮似舟空際若神像旁一滴泉鐘鼓

燃炬下行盡處有石蓮似舟空際若神像旁一滴泉鐘鼓

樓投石則蓼然有聲又北曰蟠龍山曰夏家源山都蟠龍

山嘗巢仙鶴又呼鶴林山又北盡於十二尖峯首峯下寶

山佛堂龍華庵在第七峯其北東一支趨泉水嶺嶺泉

冬夏不竭激沫成塊可作假山石又西折而為烏石巖九都

旁有泉又北山如覆釜元末人嘗避兵曰大隴山又山曰

石燕曰文筆曰疊書各以形肖唯燕石遇雨則飛可治目

疾皆歸仁詹氏村前後山也故嶺曰詹村嶺嶺西北十里

曰帽村有嘉湖山六都山之北曰柳居山寰宇記云唐司空

柳先鋒宅墓去山東南三百步其右古井井後石壁遇人

聲激之泉迸出茅陽南界廣豐東出則從江山界歷下

鎮大橋而復特起為古山治東諸山皆宗之黃石山在其

西天井山十三都在其東古山層嶂聳立雲霄蒼蔚周環十

玉山縣志

卷五

山川志

六

餘里有井建龍王祠聞鑼鼓聲即泉湧黃石山出黃石丹

經所須今無天井山與古山峙亦有井紹興間金華聖女

正果已成父母強之歸不得投穢於井聖女遷仙巖寺八都

泉徙山麓灌田半頃萬歷間知縣張道深因民爭水利履

視田多寡按時均漑遂題天井院曰福山庵吉山北曰

花山十四都花山在步古際有深洞多奇石其下閩中賴氏

族居焉曰洪密山十三都洪密即陳佛山以聖僧得名有洪

密寺水一泓應早禱前後巖絕幽勝又非曰雞頭山西十

餘里曰琴山琴山在下濂溪畔十二都狀若懸琴有古松數

十株是為治東門戶古山自東折而非繞常山草坪之

西曰天柱山下有白雲寺

仁皇帝賜名證因寺又西為屏風關又西曰古城山十五都又

西曰金雞嶺又西二十里爲治東十里山至松田埂而止
十三都自草坪起爲蓼化山北走百里爲黃家山二十三都又
北曰小流嶺又折而西北至芳塘曰大馬嶺五都北入嶽
浙西則竦拔而起是謂三清山黃家山一支經巖潭山至
少華山二十都而止韓巖寒巖在其南安樂石谷二十都徐家
四都諸嶺及八仙洞二十都在其北韓巖有泉如潮日三四
湧爲韓无咎故宅八仙洞在安樂嶺南通老鼠洞竅險隘
石谷嶺在金沙形勢陡險與三清埒

金沙溪源出三清即寰宇記所謂懷玉上干溪乃古餘干上
游也距靈濟廟里許過龍門至洞口水中山石澄如玉懸瀑
飛瀉潭深莫測潛龍輿雨李尙書作盈尺字題曰冰玉洞
其水東流二十里皆屈曲廻環經子午口始折而南流十

玉山縣志

卷五

山川志

七

里經徐家嶺倉坂水自雙溪口東流十五里入焉 又十
里過大葉干坑水自石佛山東流入焉 又五里過小葉
小葉溪出黃家山西南流十五里入焉 又七里至洞口
洞巖水自西北注之一統志載落馬潭在縣北五十里源
出三清者當離此不遠 又八里至賁邱經少華山東坑
水自東北二十里南流繞韓村注之 又七里球川水自
常山界東入玉山界注之 又十里爲古井潭潭中有巖
上通井漁者深入聞龍吟聲 又五里至潭頭太甲山東
西兩坑水合流於大嶺脚東流經洪家塢於此入焉 又
十里爲汪村潭古有龍王廟 又折而西南流五里過東
津橋大橋溪自東北來注之 大橋溪出江山界大橋山
汪杞欲鑿以通常山者即此流入玉山界五里經步古際

西流六里至平洋迤行八里繞雞頭山折而南流十里至周溪西南流十里入金沙溪曰曹王潭有古曹洙祠俗呼下干溪 又繞治東南迤邐三里許至傅家山爲傅家潭 又西流里許下鎮溪自東南來與古溪並入焉曰三江口 古溪出桃花山下經塊頭淤入干溪名桃花港後水衝東郭是港湮塞因稱古溪 下鎮溪出江山界經下鎮墟西流五里至寒泉橋石馬溪源出石獅灣自南入焉又五里過柳都橋又三里至瀆口合鎮川 鎮川溪源出廣豐搜溪經江山界虹橋入玉山界鎮頭墟西北流十里過齊峯山又十里過帽村又七里過瀆口橋合下鎮溪西流三里至周村又北流三里許至白橋曰松溪又北流三里過十二尖峯又西北流七里至毛村有松溪壩焉又西流

玉山縣志

卷五

山川志

八

二里曰下濂溪又西流二里合程村水 程村水自廣豐西村北流十里至程村經尹村東流十二里過六都橋北流四五里至上峽底西入下鎮溪又西流五里出三江口 自三江口至城南門滙大王潭謂之玉溪亦曰冰溪 又過玉虹浮橋繞杏花門曰洗馬池官淵水自北過連城橋入焉 又十里至西濟橋故址下合玉琊溪 玉琊溪即梅溪發源懷王之琊峯西流十餘里南經童家坊又東南流五里錦溪入焉錦溪出廣平山其南一支出上饒台湖嶺合廣平水於雙溪口東流爲儒溪 又東流至江口淤入礫水入焉入礫水從金剛峯東西兩源合流繞石鼓山溪以山得名寰宇記所謂石鼓溪溪有石外實中虛擊則瑟瑟有聲是也流至山麓曰入礫龍潭紹興乙卯

七旬不雨禱於潭現相百態須臾雨降因作亭潭南李尚書彌大匾曰龍亭王堯卿有碑以祀景泰丙子姚金兩郡守繼成之孫尚書匾曰龍王廟 又東南流過王家坊十餘里至白石橋入梅峽峽長十餘里出峽口有劉氏義學相傳朱子八景詩今集不載自梅峽下曰梅溪清溪水入焉清溪左源出邦郎坑右源出上西二溪合於覺林寺門東流十里入梅溪 又東南流十里過鸞溪村村有鸞峯潭 又東南流十里出故西濟橋下爲崙溪口而玉琊溪乃與金沙干溪合 又西流二十五里至上饒廣豐界回樹底治西南水來注之其一出鳳凰山之南西流十餘里其一出仰山之北西流五里與山南水合西非流二十里經廣豐界入干溪 又西流十里至上饒溪口橋治西

玉山縣志

卷五

山川志

九

星溪自北來注之星溪左源出東西坑右源出沙溪嶺至童家嶺合流又東十里過妣姆山半溪合之半溪在三十六都淨名寺西流十餘里合星溪水又南流三十里經上饒界至溪口橋入干溪 又西流三十五里過靈溪口與

葛仙溪合

葛仙溪出上饒靈山北合西山及興安分水嶺諸源而匯於治西之靈江湖東流十里經坊頭溪北岸高墩連起古天呼墩在焉通志所謂葛仙修煉處也溪自是乃得葛仙名東流入峽遂西南屈曲行過白馬潭入上饒界出峽又西南流至靈溪口合干溪西流過郡南至弋陽歐冶鑄劍處曰葛溪水

程溪在治東北二十五都發源和讓山菱塘至程村合流入

二十四都界東流五六里入開化境達錢唐江明史地志
玉山水東入浙者指此乃三清東麓水

溪之外凡爲井八爲泉七爲池一 雙桂井在治正衙北旁
植二桂泉甘美不竭 七星井在西關外穿井七象天非
斗以鎮地脈後爲水衝井在東南者已沒於溪 水母井
在東嶽廟降生祠前大丈餘上有樓閣 華峯三井在治
南神龍所棲禱必雨一統志韓澄詩名齊西嶽聳蒼冥神
物潛藏地有靈 仙峯井治東二十五里在路旁清冽供
行汲 半溪石井在半溪有陳廉記 甘泉井在三都程
氏祠旁有古羅漢松大數十圍 香泉井在武安山南麓
石泉在治後泉出石山下四時不竭其脈潛通城內
玉泉在福慶觀清潔可鑑其瑩如玉喻湍石以爲號 章

玉山縣志

卷五

山川志

十

泉在八都雙峯山戴石屏二老歌章泉之上兩山下韓履
善跋云澄心院在章泉東十里是也 寒泉在九都石馬
頭泉極寒一統志元徐興善詩冷浸雲根漾素秋 暖泉
在東嶽廟疾者禱而取飲 龍泉在定惠院後出竇中盛
夏飲之透肌骨 烏石泉在十都一出上坂一出填下分
流入圳圳旁飛龍古殿神之司水利者 月池在東嶽廟
左月出其光先照池上亭曰天光雲影朱子題萬歷間知
縣周曰甲張道深相繼修建

按唐張祐題弋陽館詩葛溪漫淬干將劍却是猿聲斷
客腸故樂史於弋陽縣記葛溪水以下流言也明陶燿
募築葛溪堤引云溪由玉山導信陽百川之水入焉諸
山隘東蜿蜒奮伏灤洄迂折并流而注於弋故通志於

玉山載葛仙溪以上流言也續志誤注在二十七都直
以懷玉水作靈山水誤甚久謂干溪是江山界西流達
錢唐者玉山無干溪尤謬以千里矣

玉山縣志

卷五

山川志

十一